

## SA LETA VINA NETA TE ZONE **Sa Vinabakala**

Sa leta vina neta hie si e Zone tugo telena kuberia. Asa tugo sa koimata pa ekelesia. Kubere la nia sa sa leta hie koa keke koimata pa ekelesia pozana e Qaeasi. Va lavatia sa se Qaeasi, sina toka valeana ni sa sari na tie pa ekelesia, meke va balau i sa sari na tienā sa ekelesia koa keke tie pozana Dioterepasi.

### **Sari na Nati Pinaqapaqahana sa Leta**

Sa zinama kekenu. Vesi 1-4

Sa vina lavatana e Qaeasi. Vesi 5-8

Sa zintuna e Dioterepasi. Vesi 9-10

Zinama leana koe Demitiriasi. Vesi 11-12

Vinabetona sa Leta. Vesi 13-15

### *Zinama Tuketukele*

<sup>1</sup> Arau na koimata pa ekelesia si kubere atu nia sa qua leta hie koa goi na qua baere, Qaeasi, sapu tataru nia rau koasa hinokara.\* <sup>2</sup> Qua baere soti; sa qua vinaravara si pude mamu tava leseve si goi koari doduru tinasuna pa mua kinoa, meke pude toa valeana si goi pa tinimu kekenoño gua sapu gilana gunia rau sapu toa valeana tugo si goi pa maqomaqomu. <sup>3</sup> Qetu hola si rau totošo avoso nigo rau koari kaiqa tie pa ekelesia sapu korapa turu va ninira pa mua rinanerane si goi koasa hinokara, meke sapu korapa toa

---

\* **1:1** TTA 19:29; Rom 16:23; 1 Kor 1:14

pa hinokara si goi doduru totoſo. <sup>4</sup> Sa qua qinetugetu ſapu noma hola ni doduru tinitoſa pule ſi ſa inavoso ſapu ſari qua koburu koe Kariſito pa ekeleſia ſi korapa ene pa hinokara.

### *Sa Vina Lavatana e Qaeasi*

<sup>5</sup> Qua baere ſoti, ta ronueſu hola ſi goi koaſa mua tinavete koari na tamataſi pa ekeleſia, meke gua tugo koari na tie karovodi. <sup>6</sup> Ele tozi vura nia rini koari na tienā ſa ekeleſia ſa mua tataru. Leana, mamu toka zoſazoſa ni tu pa dia inene pa hahanana ſapu variva getu koaſa Tamāſa. <sup>7</sup> Sina ene la ſi arini koaſa ninabuluna e Kariſito, meke loke tinokae ſi vagia rini koari na tie pu lopu va hinokaria ſe Kariſito. <sup>8</sup> Garo tugo ſi gita na tie te Kariſito pude toka ni ſari na tie pa ekeleſia pude mada tavetavete ſomanāe koa rini koaſa hinokara.

### *Ari Dioterepaſi e Demitiriāſi*

<sup>9</sup> Keke leta papakana ſi ele kubere la nia rau koaſa butubutu tie te Kariſito, ba ſe Dioterepaſi ſapu hiva koa na ſati hiniva koa rini, ſi lopu hiva va taliſa la i ſa ſari na qua zinama pa leta. <sup>10</sup> Pana atu rau ſi kote tiqu la i rau ſari doduru gua pu evāni ſa: ſari nana zinama ſonovala mae koa gami, meke ſari nana kinohakoha pu tozi ſa! Meke lopu arini mo, ba ſapu lopu hiva va kamoī ſa ſari na tie te Kariſito be mae ſarini. Meke hukati tugo ſa ſarini pu hiva va kamoī ſari na tie te Kariſito, meke hiva hitu pani tugo ſa koaſa puku tie te Kariſito ſi arini.

<sup>11</sup> Ego, Qaeasi; qua baere ſoti, mu lopu luli ſaripu kaleadi ba mu lulia ſa lineana. Sa tie ſapu

tavete va toņoto si te Tamasa tugo si asa, ba sa tie sapu tavete va kaleana si lopu gilania sa sa Tamasa.

<sup>12</sup> Ba se Demitiriasi si zama valeana hola ia ri doduru tie te Karisito sina sa Maqomaqo hinokara si ta dogoro vura koasa lineana pa nana tinoa. Meke gami ba somana va sosodea tugo pa mami zinama, meke gilania mua goi sapu gua pu tozia gami si hinokara tugo.

*Zinama Tataru Vina Betobeto*

<sup>13</sup> Soku tĩnitoņa si hiva tozi rau, ba lopu hiva kuberi rau pa leta. <sup>14</sup> Rovea rau si kote lopu sana atu dogorigo mo rau, mada vari vivinei soti teleda. <sup>15</sup> Mani koa koa goi sa binule. Sa dia tataru koa goi gua sari mua baere hire. Mu hopeke tozia mami tataru koari mami baere vasina.

**Buka Hope**  
**The Holy Bible in the Roviana language of the**  
**Solomon Islands**  
**Buk Baibel long langguis Roviana long Solomon**  
**Islands**

copyright © 2016 Wycliffe Bible Translators, Inc.

Language: Roviana

Translation by: SITAG

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-11-06

---

PDF generated using Haiola and XeLaTeX on 22 Feb 2024 from source files dated 13 Dec 2023

2a5324ac-61e8-5e5b-b226-f3d15850d7c5